


*Hopi hende a para mira e transporte
tuma lugar*

Avion pirata di aña 40 staciona na Museo Aereo



ORANJESTAD(AAN) -- For di Diasabra e preparacionnan a worde haci cu e avion pirata di aña 40 y el a ser transporta te na e cura di aeropuerto. Ayera den oranan trempan di mainta, a basha un parti di e cura di waya di aeropuerto pa asina un "flatbom" por a sali cu e avion aki. Mester a basha santo riba caminda pa asina haci e subida riba e isla riba e caretera dilanti banda di aeropuerto mas facil. Ta trata aki di transportacion di un avion cu ta pisa mas o menos 5 ton. Despues, haciendo uso di un kraan, a lanta e avion for di e "flatbom" y a staciona esaki riba e vloer cu a prepara pe na e museo aereo banda di

aeropuerto.

Un cantidad di hende ayera a para banda di Wimco na Wayaca pa aprecia e avion aki. E avion aki den añanan 80 tabata e promer avion pirata cu a intercepta na aeropuerto. E avion ta di registracion Brasileño cu tabata bay rumbo Merca pero e papelnan abordo no tabata corecto. Door cu e registracion no a worde cambia di Brasileiro pa Mericano a coy e avion den beslag ya cu tabata sospecha cu lo ta trata di un avion pirata.

Awor e avion aki a bira e atraccion di museo aereo y sigur un cantidad di hende lo bay bishita e avion aki den curso di e siman aki.

